

民國五年重修

淮陽縣志

卷首 圖經

卷一

地輿志上

星野

沿革

表附

疆域

村保集鎮附

山水

碑口附

卷二

地輿志下

古蹟

冢墓附

風土

卷三

籍賦志

戶口

丁地

征解

留支

蠲緩

雜稅

鹽引

卷四

建置志

城池

宮署

壇廟

坊表

橋梁

卷五

學校志

學宮 學署 學額 學田 書院 義塾

卷六

經政志

秩祀 禮儀 兵防 郵政 倉儲 郵政

卷七

職官表 名宦傳

卷八

選舉表

辟舉 文武科目 貢生 學校畢業  
文武例仕 封贈 世襲 恩廕

卷九

人物傳上

先賢 鄉賢 先正 文仕蹟 武仕蹟

卷十

人物傳上

孝友 忠烈

卷十一

人物傳上

義行

卷十二

人物傳上

文學 隱逸

卷十三

人物傳上

方技 耆壽 流寓

卷十四

人物傳下

列女 后妃 節婦

卷十五

人物傳下

列女 節婦

卷十六

人物傳下

列女 烈婦 孝婦 淑媛 貞女 烈女 孝女

卷十七

藝文志上

著述 金石

卷十八

藝文志下

輯類文

詔勅  
祭文

表疏  
誌銘

碑記

論辨序引

卷十九

藝文志下

輯類詩

賦頌  
古樂府

古詩  
歌詞

五七古

五七律

五七絕

卷二十

雜誌上

災異

兵事

雜誌下

方外

寺觀

志餘

兵事

秦

始皇二十三年王翦取陳夷爲縣

史記秦始皇本紀二十三年秦王復召王翦  
翦起之使將擊荆取陳以南至平輿虜荆王

二世元年陳勝以兵入陳據之

史記陳涉世家陳勝自立爲將軍吳廣爲都尉攻大澤鄉狗  
以東諸郡縣皆下之收兵比至陳車六七百乘騎千餘卒數  
萬人攻陳陳守令皆不在獨守丞與戰譙門中弗勝守丞死乃  
入據陳數日號令召三老豪傑與皆來會計事三老豪傑皆曰  
將軍身被堅執銳伐無道誅暴秦復立楚國之社稷功宜爲王  
陳涉乃立爲王號爲張楚令陳人武臣張耳陳餘徇趙地周文  
陳之賢人也嘗爲項燕軍視日事春申  
君自言習兵陳王與之將軍印西擊秦

漢

太祖高皇帝五年冬十月王追項籍至固陵

通鑑綱目集覽固陵縣名晉灼曰即光州固始  
括地志云固陵在陳州宛丘西北四十五里

六年冬十二月帝會諸侯于陳執楚王信以歸

今西門曰平信以此

通鑑綱目楚王信初之國行縣邑陳兵出入人有上書告信反者陳平獻計請僞遊雲夢會諸侯于陳因而擒之帝以爲然乃告諸侯會陳吾將南遊雲夢因隨以行信聞之疑懼時項王故將鍾離昧亡歸信漢詔信捕之或說信斬昧以獻及上至陳信持昧首謁上上令武士縛信載後車至洛陽赦信封淮陰侯

更始元年岑彭從朱鮪定淮陽

後漢書岑彭傳彭爲大司馬朱鮪校尉從鮪擊王莽揚州牧李聖殺之定淮陽城鮪薦彭爲淮陽都尉更始遣立威王張卬與將軍翟偉鎮淮陽偉反擊走卬彭引兵攻偉破之

光武建武二年更始將蘇茂殺淮陽太守潘蹇而附劉永

後漢書劉永傳永聞更始政亂遂據國起兵攻下濟陰山陽補楚淮陽汝南凡得二十八城光武遣虎牙大將軍蓋延伐永初陳留人蘇茂爲更始討難將軍與朱鮪等守洛陽鮪既降漢茂亦歸命光武因使茂與蓋延俱攻永軍中不相能茂遂反殺淮陽太守掠得數縣據廣樂而臣于承永以茂爲大司馬淮陽王

靈帝中平元年皇甫嵩朱雋討破陳國黃巾



後漢書皇甫嵩朱雋傳嵩雋乘  
勝進討汝南陳國黃巾破之

### 獻帝興平二年曹操畧陳地

三國志太祖紀興平二年冬十月天子拜  
太祖兗州牧十二月兗州平遂東畧陳地

### 建安二年袁術殺陳王寵

後漢書袁術傳術率兵擊陳國誘殺其王寵  
三國志武帝紀建安二年秋九月袁術侵陳

晉

### 懷帝永嘉四年劉聰遺其子粲畧陳

晉書劉聰載記封其子粲爲河內王遺粲及其征東王彌龍驤  
劉曜等入洛川遂出轅轅周旋梁陳汝潁之間陷壘壁百餘

### 哀帝興寧二年慕容評圍陳郡陷之

晉書哀帝紀二年春二月慕容暉將慕容評侵汝南又進圍陳  
郡太守朱輔嬰城固守後王師敗績于懸瓠朱輔退保彭城五  
月遷陳人于陸以避之晉書慕容暉載記興寧初暉復使慕容  
評寇許昌懸瓠陳城並陷之遂畧汝南諸郡徙萬餘戶于幽冀

### 孝武帝太元十二年翟劭寇陳

晉書

卷之三十一

雜志上

兵事

六

晉書武帝紀十二年春正月翟遼遣子釗寇陳穎朱序擊走之  
共討之翟遼又使其子釗寇  
陳穎序遣秦膺討釗走之

北魏

孝明帝孝昌三年陳郡民劉獲鄭辯反

魏書孝明帝紀三年秋七月陳郡民劉獲  
鄭辯反于西華年熹天授州軍討平之

武泰元年梁豫州刺史夏侯直攻陳

魏書源子恭傳梁豫州刺史夏侯直遣四將率衆三  
萬人圍南頓北攻陳頃子恭遣軍禦之直兵奔退

隋

煬帝大業十一年賊帥盧明月寇陳

隋書煬帝紀十一年冬十月壬申賊  
帥盧明月聚衆十餘萬寇陳汝州

十三年淮陽太守趙佗以城降李密

隋書煬帝紀十三年夏四月光祿大夫裴  
仁基淮陽太守趙佗等並以衆叛歸李密

唐

德宗興元元年曲環及李希烈戰于陳州敗之

新唐書德宗紀元年冬十一月癸卯劉洽那隴行營節度使曲環及李希烈戰于陳州敗之

新唐書曲環傳李希烈陷汴州環守寧陵戰陳州斬賊三萬五千殺擄其將崔崇暉進檢校工部尚書兼陳州刺史希烈平敗陳許節度賜封三百戶二州比

為寇衝民苦剝函客他縣環勤身節用寬賦歛簡條教不三歲

歸者緝係訓農治兵穀食豐衍新唐書劉昌傳李希烈攻陳

州昌從劉玄佐以浙西兵三萬救之西去陳五十里

昌薄其軍大戰破之禽賊將翟曜希烈奔還蔡州

貞元十六年五月韓全義及吳少誠戰于慶利城敗績全義退保

澗水汴宋徐泗淄青兵走陳州

新唐書劉昌裔傳昌裔為陳州刺史韓全義敗于澗水引軍走

陳求入保昌裔登陴揖曰天子命君討蔡何為來陳且賊不敢

至我城下君其舍外無恐明日從十餘騎持牛酒抵全義營勞

軍全義不自意迎拜歎服新唐書吳少誠傳帝詔夏州節度

便韓全義為淮蔡招討處置使上官說副之諸將皆受節度與

賊吳少陽等戰廣利城師復敗退營五樓為賊所乘遂大潰全

義及監軍賈英秀等夜逃保澗水汴宋徐泗淄青兵走陳州少

佳陽縣志

卷之二十

雜志上

兵事

七

許將孟元陽神策將蘇光  
榮壁激水少誠引兵去

### 僖宗中和三年八月黃巢秦宗權寇陳州

新唐書趙犇傳黃巢入長安所在盜興陳人詣節度府請犇爲  
刺史表于朝授之既視事會官屬計曰巢若不死長安必東出  
關陳其衝也乃培城疏塹置倉庫峙棗薪爲守計民有貧者悉  
內之繕甲兵募悍勇悉補子弟領兵巢敗果東奔賊將孟楷以  
萬人寇項犇擊禽之巢間楷死驚且怒悉軍據激水與秦宗權  
合兵數十萬綠長壕五周百道攻之州人大恐犇令曰士貴建  
功立名節今雖衆寡不敵男子當死地求生徒懼無益也且死  
國不愈生爲賊乎吾家食陳祿嘗破賊以保城異議者斬衆聽  
命引鏡士出戰屢破賊巢益怒將必屠之乃起八仙營于州左  
僭象宮闕列百官曹署儲糧爲持火計宗權輸錢任軍須賊益  
張犇小大數百戰勝負相當故人心固乃問道乞師于朱全忠  
未幾汴軍至壁西北陳人思奮犇引兵急擊賊破之圍凡三百  
日而解巢雖敗宗權始熾畧地數千里屠二十餘州惟陳賴犇  
獨完五代史梁本紀中和三年三月拜全忠洙州刺史是歲  
黃巢出藍田關陷蔡州節度使秦宗權叛附于巢遂圍陳州徐  
州時溥爲東面行營兵馬都統會東諸鎮兵以救陳陳州刺史  
趙犇亦乞兵于全忠溥雖爲都統而不親兵四年全忠自將救  
犇率諸鎮兵擊敗巢將黃鄴尚讓等犇以全忠爲德始附屬焉

### 文德元年正月蔡將石璠寇陳州朱全忠遣將禽之

通鑑綱目蔡將石瑋寇陳壽朱全忠遣朱珍為從周將  
兵擊禽之詔以全忠為都統代時溥諸鎮兵皆受節制

### 五代梁

末帝貞明六年陳州妖賊母乙反

五代史梁本紀末帝貞明六年秋七月陳州妖賊母乙自稱天子冬十月母乙伏誅

龍德元年陳州刺史惠王友能反

五代史梁本紀末帝龍德元年春三月陳州刺史惠王友能反夏五月友能降

### 宋

高宗建炎元年都統制王淵討淮寧盜杜用殺之

通鑑綱目自宣和末羣盜竄起淮寧之杜用山東之李昱河北之丁順皆擁兵數萬李綱乃自遣淵等分討之淵殺杜用

二年春二月金人陷淮寧守臣向子韶死之

宋史忠義傳金人犯淮寧子韶率諸弟守城輸士民曰汝等墳墓之國去此何之吾與汝當死守時有東兵四千人第三將岳景綬欲棄城率軍民走行在子韶不從景綬引兵迎敵死金人晝夜攻城子韶親擐甲胄冒矢石遣其弟子率赴宗澤乞援兵

未至城陷子韶率軍民巷戰力屈被執金人坐城上欲降之酌酒於前左右抑令屈膝子韶直立不動執手責罵金人殺之其弟新知唐州子褒朝議即與諸子弟等皆遇害惟一子鴻六歲得存事聞賜謚忠毅淮寧初陷時楊時聞之日子韶必死矣蓋知其素守云

### 三年春正月盜張用王善寇淮寧

通鑑綱目用善駐京西連亘數州自京西至光壽據千里之地兵馬接迹不斷據糧食所至一空宋史建炎三年正月乙未張用王善復呼杜充遣桑冲討之軍敗轉寇淮寧守臣馮長寧卻之

### 四年冬十月淮寧鎮撫使馮長寧叛附劉豫

宋史建炎四年九月劉豫僭位國號偽齊馮長寧以淮寧附之

### 紹興七年冬十月金人分戍陳蔡諸郡

通鑑綱目金人欲廢劉豫乃建元帥府於太原復分戍陳蔡汝亳潁許諸郡

### 十年夏六月岳飛遣張憲復淮寧府

通鑑綱目飛遣張憲敗金韓常于穎昌又復淮寧府宋史岳飛傳紹興十年金兀朮入東京知淮寧府李正民以城降飛遣

將經畧淮甯等郡部將張憲復淮甯府飛令統制趙秉淵領  
事金人復圍淮甯趙秉淵棄城歸飛遣孫顯大破金人于陳蔡  
界李山史貴韓直  
敗金人于淮甯

### 三十二年春三月金人攻淮甯守臣陳亨祖死之

宋史紹興三十二年三月癸丑金人圍淮甯府守臣陳亨祖死  
之成閔遺統制杜彥救淮甯敗金人于項城縣戊午金復陷淮  
甯統領戴規戰  
死成閔還朝

金

### 哀宗天興二年夏四月陳州都尉李順兒殺行省粘葛奴申及招

撫使劉天啟

金史李順兒者陳州防禦使粘葛奴申下振武都尉奴申由任  
子入官登策論進士天興初倅開封以嚴幹稱時兵戈捨擯道  
路不通軍民皆避他郡策孤騎由間道以往陳始立州府擇官  
吏明號令完城郭繕廬舍實倉廩備器械流亡數十萬戶時  
完聚市肆喧闐京城遺民望而歸者不絕皆指爲東南生路哀  
宗馳使褒論改陳州爲金興軍即以申爲節度使俄拜行省參  
知政事立建威來猪冀虎威蒲察合達振威王義果殺完顏某  
及順兒凡五都尉司以將其兵時交戰無虛日大軍十餘萬州

糧有盡與官屬謀月減所給一斛人心稍怨順兒等因畜異志遣人結搆崔立奴申知其謀常以兵目防及聞元兵往朱仙鎮市易奴申遣五都尉軍各二百令崔都尉將之襲項城黎造孫鎮撫者召順兒議事欲因此行襲殺之孫至其家順兒已知撰甲而待孫色動即出門奔去順兒追殺之乃上馬引軍入省語軍士曰行省尅減軍糧汝輩欲飽食則從我不欲則從行省奴申聞變走避殺之並殺其子姪壻及鄉人王都尉劉捷控即解奴申虎符以與順兒令五都尉軍皆甲以守街衢自稱行省署元帥都尉復以劉提控語不順就坐中斬之翌日遣尅石烈正之送欵于汴立遣其弟倚就加順兒淮陽軍節度使行省如故未幾虎威都尉蒲察合達與高元帥者盡殺順兒之黨舉城走蔡州元兵覺追及孫家林老幼數十萬少有脫者

元

順帝至元三年春二月汝寧人胡閏兒反焚陳州

元史至元三年二月河南汝寧人胡閏兒攬棒以燒香惑眾反于信陽州破鹿邑焚陳州屯營于杏岡四年夏四月己卯河南執胡閏兒械至京誅之

明

太祖洪武元年三月大將軍徐達取陳州守將左君弼以城降



明史紀事本末卷之二十一 懷宗 洪武元年太祖即帝位以達魯右丞相畧定嵩陝陳汝諸州

世宗嘉靖三年冬十二月己酉流賊王堂焚掠州境至柘城官軍

迎敵大敗

三十二年歸德盜師尙詔反調陳州衛兵討之

明史世宗本紀三十二年秋七月庚午河南賊師尙詔陷歸德及柘城鹿邑八月丙申師尙詔攻太康官軍與戰于學陵敗績

冬十月庚子師尙詔伏誅

神宗萬曆二十年春二月大同班軍鼓譟索糧指揮青若水撫諭之始解去尋奉旨梟首惡四人于景樓

懷宗崇禎七年冬十一月李自成陷陳州

明史莊烈帝本紀七年十一月乙酉洪承疇兼攝五省軍務是冬陝西賊分犯湖廣河南李自成陷陳州

十五年三月李自成陷陳州睢陳道關永傑死之

明史忠義傳關永傑鞏昌衛人好讀書每遇忠義事輒書之壁狀貌奇偉類世人所繪壯繆侯像登第後授開封推官遷兵部

主事督師楊嗣昌薦其才請用之軍前乃擢陳兵備僉事駐  
陳州陳故賊衝歲被蹂躪永傑日夜爲備十五年二月李自  
成數十萬衆來攻永傑與知州侯君擢鄉官崔泌之舉人王受  
爵等率士民分堞守賊遣使說降斬其頭懸之城上賊怒破  
之永傑格殺數賊身中亂刃而死府志崇禎九年三月二十  
九日流賊掠陳十年四月二十日流賊掠陳十一年開州賊袁  
時中率衆萬人掠陳兵備道關永傑領官兵捕剿遁去十二年  
土賊袁老山統百萬餘衆劫掠陳境焚毀民房十三年袁賊又  
掠陳兵備道關永傑領兵合各寨鄉勇追走之十五年壬午  
三月十二日闖寇李自成同曹寇共百餘萬攻陷陳城屠戮殆  
盡焚毀房屋百不存一秋七月袁時中復來劫掠十六年癸未  
夏五月闖賊擄送偽官洪姓初姓二人管州務十七年甲申西  
華縣土賊金高李省率衆指稱擒偽進城將所遺房屋盡行燒  
燬剝衣搜財男女俱束草爲衣穿紙蔽體鵠面鳩形見者傷之  
舊志崇禎十五年三月初九日闖賊李自成數十萬衆來攻  
聯陳道關永傑率官民登陴固守砲矢所加殺賊無算越二日  
賊繫告示于城若開城降者免其屠戮永傑碎其示誓于衆曰  
吾讀聖賢書寤死封疆天未厭余耶賊如余何天果沒余也天  
之所棄孰能違之遂以金帛賞死士背城而戰殺賊千餘賊怒  
攻益急晝夜拒守目不交睫兵民感憤守益堅忽城東南隅砲  
藥夾賊乘煙登城指揮劉淳傅鴻勳孫延計王不顯守備馮君  
爰擁永傑戰城上殺傷甚多衆寡不敵賊殺永傑遂爲賊執  
大罵不屈假以覓印陞城死之賊斷其首以鞭指論天方晴忽  
大震雷賊衆驚悸棄其首于路旁而去陳民收斂之葬南變賊

後郡人李世培何潤遷柩紘歌臺西隅清順治六年始歸櫬於鞏昌河南巡按蘇京上其事立祠祀之

清

咸豐元年髮匪猖獗官軍由陳州南下

先是道光二十九年廣西髮匪聚眾百萬所過城破是年湖南陷城無算官軍由陳州赴西平縣地方出兵車急於星火

二年春髮匪猖獗城外逃

三年癸丑髮匪餘黨遁至周家口官軍截殺之

是年匪黨二百餘人由高唐遁至周家口禹王宮數日南逸十一月復至詐稱官軍與通判借糧官軍截殺該匪於李埠口高山頂等處

四年甲寅春三月髮匪復至周家口越三日夜走

七年九月賊寇戴家集等處邑令保淳遇害十月陷周家口

是年九月十八日晚匪猝至戴家集邑令保淳與守城千總出禦至龍王集遇害連日匪窺黃家集姜樓大傅庄王集等處擄掠焚殺居民被禍甚慘十月捻匪由亳攻周口鎮時鎮僅練勇三百兵力單弱不敢與敵固守數日援兵不至回民內亂遂陷

八年十月賊寇周家口等處通判王可思戰死閭門遇害冬始修寨

是月匪軍周家口火光燭天夜如白晝通判王可思率勇接伏陣亡子孫婦女及僕役等十餘人皆遇害二十九日匪順流東窺所過馮塘集新站集等處民多戰死焚掠一空冬鄉閭始修砦堡

九年三月賊寇柳林集九月陷陳灘倒栽槐等寨

是年三月初三賊匪入柳林集殺傷甚衆九月二十九日又蜂擁至鄉民避難者城不能容是日匪陷陳灘寨殺害練總陳彥臣居民死者數百人連日又陷倒栽槐寨及祁花園李庄各村鄉團多陣亡被戕者不計其數

十年二月賊窺擾迺汲村七月寇鞍子嶺侯家舖等處

是年二月初八賊至迺汲村居民禦賊死者六人七月二十九日窺鞍子嶺寨破戰死三十人遂擾侯家舖居民死者八十四人柴庄一帶結陣堵禦百餘人均戰死

十一年二月擒匪大股至郭外焚掠居村官督勇隊却之六月小

閩王寇新站集

是年二月初七日匪自光固窳至縣境撥營口火光燭天初八日馬步萬餘至護城堤官紳協力堵禦稍却折向東窳縣協換至攻城邑令會營督團迎擊郡守劉拱宸都司王永慶派委員弁乘夜往襲至劉昂集親點大炮督勇放鎗立時轟斃敵死賊數十名生擒張蘭亭等十餘人賊乃四窳三月初八日號至王七店七月二十日至劉老家居民多戰死又匪首張樂行子號小閭王自東南沿河北掠亦於六月至新站集盤踞十八日戕害居民甚衆

### 同治元年賊屬入境破寨殺人賊窳營臺集被禍尤烈

是年正月二十六日匪入張普遺庄二十八攻陷窳張寨同日賊窳寨破戰死者三十三男婦死百餘人二十九連日破龍王廟寨胡庄孫寨死者以百數二月初三入白店十六攻破營臺集死者二百餘人七月十九復擾戴家集盧家堡各村

### 二年六月流捻窳擾縣境所過殺掠甚衆

是年六月十七日賊擾縣境到處蹂躪儉庄張居言居科觀音堂郭萬祥等四人小李庄李玉書等三人郭庄郭萬有等三人麻家庄高萬有等四人均逃難遇害

### 四年六月二十九日流捻大掠邑北入九里溝

### 五年三月初三日流捻大掠邑西至河渡村

光緒三十二年正月十五日仁義會匪起殺教民苑心順一門六

口匪徒康振三等伏誅

仁義會匪吳太山在楊惱聚眾於正月十五日夜領眾搶劫殺教民苑心順一家六口周口居民亂逃罷市邑令左輔請兵彈壓居民始定捕獲會匪康振三等四名正法即國會等五名處以無期徒刑吳太山在逃飭差嚴捕

雜誌下

方外

宛邱先生史佚其名居宛邱故號宛邱先生服制命尤得道至殷湯之末已千餘歲以其方傳弟子姜若春服之亦三百歲視如嬰兒彭祖師之

亢倉子者老聃之弟子也得聃之道以北居畏壘之山其臣之畫然知者去之其妾之挈然仁者遠之擁腫之與居鞅掌之爲使居三年畏壘大穢亡何陳大夫聘魯私見叔孫氏叔孫曰吾國有聖人曰非孔氏耶曰是也曰何以知其聖乎叔孫曰吾嘗聞之顏回曰孔子能廢心而用形陳大夫曰吾國亦有聖人子弗知乎曰聖人孰謂曰老聃之弟子有亢倉子者能以耳視而目聽魯侯聞之大驚使上卿厚禮而致之魯侯卑詞請問之亢倉

子曰傳之者妄我能視聽不用耳目不能易耳目之用魯侯曰  
此增異矣其道奈何亢倉子曰我體合于心心合于氣氣合于  
神神合于無其介然之有唯然之音雖遠在八荒之外近在眉  
睫之內來于我者我必知之乃不知我七孔四肢之所覺心腹  
六臟之所知其自知而已矣魯侯大悅他日以告仲尼笑而不  
答後遊吳興隱毘陵于峯仙去此山號張公壇

女几者陳市沽酒婦也作酒嘗美仙人過其家飲酒即以素書五  
卷贖酒錢几開視之乃養性長生之術也几私寫其要訣依而  
修之三年顏色更少如二十許人居數歲贖酒仙人來謂之曰  
盜道無師有翅不飛女几隨仙人去居山歷年人常見之其後  
不知所適所居即女几山也

一作  
女几

劉道台一名愛道宛邱人幼志隱逸隋末從孟詵傳道後入霍山



避雨岩下見神人曰今醜類害民子好道志節不屈可制羣魔  
吾以符契授子令吞之自是道法神驗常隱嵩山唐高宗聞其  
名令於隱所置太乙觀以居之召入宮中深尊禮焉及將封泰  
山屬久雨帝令道合于儀鸞殿作止雨之術俄而霽朗帝大悅  
又令道合馳傳先上泰山以祈福祐前後賞賜皆散施貧乏未  
嘗有所蓄積高宗又令道合合九轉還丹丹成而進之咸亨中  
卒及帝營奉天宮遷道合之殯室弟子開棺將改葬其尸惟有  
空皮而背上開拆有似蟬蛻盡失其齒骨衆謂尸解高宗聞之  
不悅曰劉師爲我合丹自服仙去其所進者亦無異焉

張文潛記云余平生所見方士道人惟見陳州有王江者真有道  
之士嗜酒佯狂形短而肥了醫藥花語言不常有申理處王侍  
讀陶守陳頗禮之數問房中之方江無所答王問強兵戰勝之

術如何江曰百戰百勝不如不戰其言大抵類此余外祖李少  
卿居陳以年德爲一鄉所服常延禮江而江竟無所教李一旦  
謂江曰與君相知有年矣竟鎖胸臆不我教乎江曰君示鑰匙  
余不憚開也江止無常處或神祠下里賃舍遇便宿惟持藁一  
束時時題所止壁作詩句又有近性宗處喜與小兒輩戲或終  
日小兒以狗蠅巴豆盈掬與之江隨便啖食而了無他因衝部  
使者導從使者怒執送州杖之出曰好打好打人窺其杖處初  
無損也後有客自北門來云嘗遇夜風雨寄宿道旁一小舍舍  
中惟一老翁至曉別去老人曰到陳州爲傳語任江客到城北  
草市江遇之曰何不道傳語乃知必任江王姓非真也自爾江  
稍往來他處或至京師今不復見矣

陳州一道人題扇上曰今日不知明日事一身剛作百身愁亦見

道之士惜失其姓名

陳州柳林集元都觀壁間有諸生陳簡所作鍾馗像甚雄武一壁寫竹數枝亦有致嘉靖間一道士題其鍾馗曰無中慧劍斬羣魔隨盡方知與道合道未成時魔未盡須知真有是超脫簡疑爲錄舊乃自題其畫竹一絕命廣之曰枝生碧玉太虛心萬物叢中出世塵養就龍根盤節後自然瀟灑萬年春道士即援筆次韻云節操中虛君子心尾搖鸞鳳異凡塵莫言老幹無生意更發鐔龍幾代春簡大異之求其姓氏止書古水道人題又題云西溪前來訪堯翁來訪堯翁不見形試看堯翁數載後二十年來行不行簡後二十年而卒始悟道人爲羅洪先也

歸宗和尚州人師汀州水塘和尚師問歸宗甚麼處人宗曰陳州人師曰年多少宗曰二十二師曰闍黎未生時老僧去來宗曰

和尚幾時生師豎起拂子宗曰這箇豈有生耶師曰會得即無  
生宗曰未會在師無語

百鏡和尚州人僧某問石鏡未磨還鑿照否師曰前生是因今生  
是果

朗月和尚州人年七歲剃度于關帝廟嗣受戒于相國寺精禮因  
與乾隆十年舉充本郡僧綱司十六年高宗幸中謁朗月  
聖駕恩賜緞粟年七十八示寂

寺觀

玉皇觀

岳王觀

女媧觀

天仙觀

三清觀

祖師觀

太虛觀

滌心觀

玄天觀

太和觀

賊處

以上六觀俱在太昊陵左右

在城東十二里即董家閣

在城東十五里葛家店即王奶奶廟

在城東二十五里

在城東南十五里忠心集即三將軍廟唐趙犖兄弟破

元都觀 在城西北二十五里柳林集

三元宮

在城南門外內有司城貞子閣

明徽商龔柏創建東置義田西置義塚兵備道

徐即登立新安社課土知州徐宗儒新之清康熙二十一年守備錢必秀乾隆五十八年知縣吳元潤重修有碑記載藝文

玄帝廟

東月城北一北月城一俱廢城東鞏村北一有碑記載藝文

祖師廟

城內文昌宮後一西八里廟一戴家集一鳴鳳林一梁家口一馮塘集一魯臺集一名鐵祖師廟新站集一苑

土集一柳林集一侯家舖一臨蔡城一城北九里溝一塔兒灣一

羅祖廟

在學道街三皇廟

奶奶廟

城西關一北門外一戴家集一新站集北一名徐奶奶廟沙埠口一任家橋一臨蔡城一

洪山廟

柳湖南畔一今廢戴家集一安溝營一指揮營一鞍子嶺北塚上一

太山廟

城北門外西北隅一黃家集一魏家店一常柏屯一魯臺集一柳林集一張家堂一杜村堂一

真武廟

城西北蔡河澗一即狄青梳洗臺基王家店一柳林集一沙窩一

玉皇廟

城北門外一牛耳堡寺一大陸崗一

人祖廟 馮塘集一 蔡家橋一 五穀臺一 苑老莊寨一

天仙廟 馮塘集一 魯臺集一 尹練集一

巨家廟 新堤一 鞍子嶺南一

三官廟 鴨兒崗一 新站集一 周家口河東集一 臨蔡城一

郭家廟 戴家集西一 鳴鳳林一

三義廟 大北關一 今廢 周家口河東集一

瘟神廟 城內黨姑寺南一 東月城一

五顯廟 靈官廟 在南月城內 今廢

汪集神廟 在南月城門上 今廢

閻王廟 在北月城內 康熙二十九年僧奉天募修 今廢

三元廟 在北月城內 今廢

元君廟 在南門外 或云即碧霞宮

張真人廟 在大北關三義廟左今廢

南海廟 在東北堤口八步橋畔即華臺寺明正統時建

葛家店廟 在城東二十五里

增福廟 在城東三十里

黃仁廟 同上

蝗蟲廟 同上

太子廟 在城東北三十五里

趙家廟 在城東四十里戴家集

丁家廟 同上

馮天齋廟 在城東北四十里

焦家廟 在城東北六十里

千戶廟 在城東九十里柳河崗



季家廟 同上

香劉廟 在城東北百一十里

中宮廟 同上

蕭公廟 同上

耿口廟 同上

雙堂廟 在城東北九十里福興集

白家廟 在城東南十里

石牛臺廟 在城東南三十里

無極廟 在城東南四十里

機神廟 在城東南六十里魯臺集

府君廟 同上

黃連塚廟 在城南十里塚前

九女塚廟 在城南二十里塚上

袁塚廟 在城南二十五里塚上

戴塚廟 在城南六十里塚上有碑記  
載藝文

倪廟 在城南七十里

琉璃廟 在城南八十里

車家廟 在城西南三十五里

高家廟 在城西南十五里

老虎廟 在城西六里

劉家廟 在城西二十五里指揮營

王娘娘廟 在城西三十里

張家廟 在城西北二十五里柳林集

蓋家廟 在城西北六十里

郝家廟

在城北十里

石佛廟

在城北二十里

党姑寺

在舊縣治前街

法華寺

在東門內

明百戶党信指揮陳萬重修今圯僅存巨鐘

月波寺

在城內東南隅

四圍皆水寺居波心州牧蕭國弼築嘉慶三年僧照擊募修併築航渡橋於寺

西今橋廢

銅佛寺

在城內東北隅

明成化初指揮姜漢捐地建修今廢

洪福寺

在北門外畫卦臺西北

明洪武十七年始置僧正司清嘉慶二十三年知府李振翥率

知縣劉廣樹千戶劉國棟邑紳趙慶雲等募修有碑記載藝文按初修及府志皆載宋仁宗幸洪福寺改葬李宸妃事二修云通鑑明道二年幸洪福寺併無陳州之文據河南通志開封府城北亦有洪福寺仁宗所幸當屬開封之洪福非陳州之洪福也然亦無確証姑兩存之以備查攷

開元寺

今廢

按蘇子由宛丘二詠原註開元寺殿下有山茶一株枝葉甚茂數年不開轍向從子瞻遊此每以爲

恨二月中山茶復開千餘朵  
因作詩奉寄今不知其處矣

三教寺 在城東十二里

明馬寺 一名明化寺在城東二十里明化舖

黃德寺 在城東四十里戴家集

朱巨寺 在城東北四十五里

草寺 在城東北九十里

大吉寺 今不知處有唐溫庭筠詩見藝文

廻龍寺 在城東北百一十里鳴鳳林

沙岡寺 在城東五十里左杜村

范塚寺 在城東南三十里忠心集塚上

將軍寺 在城東南三十五里俗傳爲將駒寺

慶會寺 在城東南四十里馮塘集

蘆泉寺 在城東南四十里蔡河口

龍泉寺 在城東南四十里

大悟寺 在城東南五十里

天王寺 在城東南六十里蔡河口

龍江寺 在城東南六十里白飯舖

上元寺 在城東南六十里魯臺集

雲中寺 在城東南六十里舊名崇興寺亦名鴛塚寺嘉慶十四年邑紳鄭瀛募修有碑記載藝文

崇霄寺 在城東南六十里俗名喇嘛寺

何吞寺 在城東南五十里巴家集

臺頭寺 在城東南六十里展家口

興教寺 同上

樊聖寺 同上

梵招寺

在城東南九十里一名樊趙寺

普濟寺

在城南十二里三塚澤

夏家寺

在城南十五里

宋里寺

在城南二十里買臣集

瓦關寺

在城南三十里瓦礫集南一名瓦礫寺

馬策寺

在城南七十里空楊寨

梁臺寺

在城南九十里蔡庄集

石佛寺

在城西南十八里李家集

趙廠寺

同上

羊皮寺

在城西南五十里苑土集

潁水寺

在城西南五十四里周家口今廢

永福寺

在城西十五里鄭家集

泰覺寺 在城西十八里

包家寺 在城西二十五里指揮營

黃崗寺 在城西六十里栗七集

袁果寺 在城西六十里柳涉河

大悲寺 在城西北三十五里侯家鋪

祝臺寺 在城北二十五里觀音堂

牛耳堡寺 在城北三十里

于巨寺 在城北三十里順河村

蓮果寺 在城北三十里鞍子嶺北

回龍寺 在城北七十里大良店

觀音寺 安溝營一白飯鋪一大觀音寺一

興龍寺 瓦礫坡一柳涉河一

永興寺 今廢

壽聖寺

彌陀寺

慈善寺

隆慶寺

諸仙寺

藥聖寺

福嚴寺

天寧寺

聖福寺

平巨寺

大慈庵

在城東北

見通志

以上俱廢

在城西北三十五里

有碑記載藝文

建嘉慶十

在干總署西

邑人程姓趙姓建嘉慶十  
二年邑紳趙萬里重修



甘露庵 在南關甜水井畔

觀音堂 在南門內知縣吳元潤邵希曾各有修葺又新站集一城西北二十五里一

張家堂 左杜村一城西南十五里一俗名黑張家堂擺蔴溝一

李家堂 城南百一十里一柳林集一城西十二里

汪家堂 杜村堂一草廟屯一

胡家堂 城西南五里一城北二十五里一

吳家堂 城南七里一城北四十五里一

孟家堂 城東北三十里一城東南二十里一

劉家堂 城西十八里一城北三十五里一

強家堂 在城東北二十里

栗家堂 在城東北二十五里

宋家堂 在城東北五十里

淮陽縣志  
卷之二十一  
馬家堂

同上

曹家堂

城西四里一城東北百一十里一

三里堂

在城東南三里

白家堂

在城東南三十五里

鮑家堂

在城南二十五里

蘇家堂

在城南六十里

羅家堂

在城南七十里

劉拱堂

在城西南三十里白馬溝

賈家堂

在城西南三十里搬營口東

梁家堂

在城西二十五里指揮營

毛家堂

同上

沈家堂

在城西五十里柳涉河

白衣堂 在城北六十里

天仙閣 在城內西北隅燕窩側今廢

白衣閣 東關一東隄一南關一陳檄建宣統二年陳獻廷陳先貞重修

譚家閣 在城東北十里

秦家閣 在城東北二十里

白家閣 在城東南五里

賈家閣 在城東南三十里

靈通院 今不知處見藝文志宋張耒詩註云石晉未所創有千佛殿壁繪皆用金



志餘

陳玄字子云陳侯世子七歲喪母父更娶周氏有子曰昭周氏讒玄侯將殺之昭欲先死玄不聽引白羊誓曰孝者羊血逆上一丈三尺一如誓言周後又讒之侯怒令玄自殺玄投遼水有大魚負之玄曰我罪人也魚乃去昭後來以問漁者曰投水死矣昭氣絕良久曰吾兄也又投水而死

蕭廣濟孝子傳

府志云此事未詳世代已遠投遼

水又似無涉姑存之

陳州城外卮臺寺中有一字王佛云是孔子像舊榜文宣王因風雨洗剝但存一王字而釋子附會爲一字王佛也其侍者冠服猶是顏淵之狀如杜甫之作十姨天下如是者不可勝數

難助編

師遷靈帝時爲陳王寵國相熹平二年遷奏前相衛情與王共祭天神希幸非冀罪至不道有司奏遣使者案驗詔檻車傳送情

詣北寺詔獄中常侍王酺與尚書令侍御史雜考情辭與王共  
祭黃老君求長生福而已無他冀幸酺等奏情職在規正而所  
爲不端遷誣告其王罔以不道皆死有詔赦寵不案

石壇老父者逸其名袁孝叔少孤事母以孝聞母得疾逾月不痊  
孝叔忽夢一老父謂曰子母疾可治問其名居不告曰明旦迎  
吾于石壇之上當有藥授子及覺乃周覽所居東十里有廢觀  
古石壇而老父在焉孝叔喜拜迎至家即于囊中取丸服之即  
曰而瘳孝叔德之欲有所答皆不受或累月一來然不詳其所  
止一日來謂孝叔曰吾將有他適當與子別於懷中出一編遺  
之曰君之壽與位盡具于此事已前定非智力所及也今之躁  
求者適足徒勞耳君藏此書慎勿預視但受一命即開一幅不  
爾當有所損孝叔跪受而別後孝叔以門蔭調授密州諸城縣

尉五轉蒲州臨晉縣令每之任輒視神人之書時日無差後秩滿歸闕鄉別墅因晨起欲就巾櫛忽有物墜于鏡中類虵而有四足孝叔驚仆于地數日不語而卒後逾月妻閱其笥得老父所留書猶餘半軸因嘆曰神人之言亦有誣矣書尚未盡而人已亡開視之其後惟空紙數幅畫一虵盤鏡中

前定錄

唐丘晳十歲謁州守曰前日寺中聞射因成詩云殿宇時聞燕雀鳴虛庭盡日少人行孤窻獨坐情何限時喜風傳中鵠聲守喜令對弱柳絲絲搓綠線對曰春雲片片揭新綿

元載張謂微時旅行陳蔡間日暮止宿道旁古廟夜半有盜數十持挺執炬而入二人惶懼逃避無所忽聞神大喝曰元相公張侍郎在此不得無禮盜大駭奔去二人相謂曰吾輩平生負苦果如言當新廟宇後二人貴顯俱如神言

孫季貞少好捕網飛走尤愛啗鷄卵每欲食輒焚而熟之卒且三年矣鄰有張生者病卒三日忽便起坐既行乃徑往孫氏家稱季貞云其言實季貞其形故張生也張氏之族即詣官以訴孫云先是吾不當死以生平多害物命故爲寃債所訴以食雞卵過甚被驅入於空城中比入則戶闔矣第見滿城火灰既爲燒爍不知所爲四顧奔從苦楚備嘗一旦王謂季貞曰爾壽未盡然死已三年矣何以復還主者曰鄰有張某死纔三日可借此以托其魂王然之今我實季貞也官不能斷陳牧劉廙親問之曰宜以生平一事人無知者以爲驗季貞曰某未死前嘗藏佛經兩卷于屋瓦人實無知者命探之存焉斷歸孫氏

玉泉子

五代白頸頭陳婦人也形質粗短髮黃體黑契丹入寇之初羣盜蜂聚婦起爲賊帥號白頸頭詣戎王稱姓名衣冠拜跪皆如男



子戎王以爲懷化將軍委之緝山東諸盜其屬數千男子咸隨  
服役爲其夫者數十人少不如意皆手刃之嘗謂僞燕王趙延  
壽曰吾能左右馳射被雙鞬日可行三百里盤矛擊劍皆所善  
也卒爲兗州節度使符彥卿所戮

張詠與青州傅霖少同學霖隱不仕詠既顯求霖三十餘年不可  
得及詠知陳州霖求謁閩吏曰傅霖來見詠責之曰傅先生天  
下賢士吾尚不得爲友汝何人敢名之霖笑曰別子一世尚爾  
耶是豈知世間有傅霖者乎詠問昔何隱今何見霖曰子將去  
矣來報子爾詠曰亦自知霖曰知復何言既別去一月而詠卒  
宋范仲淹倅陳時郡守母病召道士林靈素奏章靈素秉簡伏壇  
終夜不動試捫其軀則僵矣五更手足微動良久謂守曰夫人  
壽有六年所苦忽慮守曰今夕奏章何其人也曰方出天門遇

放明年進士春榜觀者駭道以故稽留仲淹問狀元何姓曰姓  
王二名拱下一字黑塗旁注一字遠不可辨既而郡守母病果  
愈明年狀元乃王拱壽御筆改爲拱辰始嘆道士之言不謬

李昊不知何所人年九十嘗至陳善策符有鬼者得其符鬼或去  
陳述古官舍多鬼殆不復安居昊居其西堂鬼即止蘇轍問其  
故昊曰述古多欲故爲鬼所侮吾斷欲久矣故鬼不敢見非有  
他也又問其所以養生者昊曰人稟五行與天地均五行之運  
于天地無窮而人壽不過百者人自害之耳人惟物我之情不  
忘于心我與物爲二則其所受五行之氣判然與五行之大分  
不通因其所受之厚薄各盡其所有而止故或壽或夭無足怪  
也今誠忘物我之異使此身與天地相通如五行之氣中外流  
注不竭人安有不長生哉

眉山蘇轍記

丐者任江居宛邱喜飲酒醉臥塗潦中不以爲苦嘗大雪或以雪埋之其氣勃然雪輒融液遊於市中常鬚角戴花小兒羣聚譁罵之江嬉笑自若往往販鬻餅餌晚不能售輒呼與共食入田舍父老招之食飲醉飽即睡婦女在側江不以自疑人亦信其無他也以此陳人敬愛之至畫其像事以香火陳述古爲西京漕至陳欲見江方入城江當道大罵陳亦不知其江也俚州撻之明日召江愧謝江笑曰罵運使受杖分也亦不謝士大夫知其異百計欲問其術輒佯醉極口罵終莫能問者熙寧間予爲陳學教授屢以酒邀之飲不甚多曰年老氣衰不能劇飲如往日矣大肉硬餅亦皆不食每欲啗輒中止而嚙喉中時有流水聲然畏其罵不敢問也一日言及養生事江喞然欲罵予曰予以畏罵久無所問今日語適然耳非欲盜法也且吾欲學道開

卷求之雖不盡得亦過半矣顧方溺世故妻孥滿前雖使呂公來其如我何而况爾耶江笑曰君言是也予因曰吾不問子術姑告我昔本何人緣何學道而已江曰我本考城人少亦娶妻不事生業妻父屢譴我至加毆箠一日閉門不納我傍恃其門者累日忽發憤棄之而遊少嘗舉學究能誦周易試之不遺一字久之太守陳述古招劍州李昊使作符禁昊爲人大言多誕欲見江江即去遂不知所在

同上條

蔡確少年日夢當爲執政仍有人告之曰俟汝父作狀元時斯其證也覺而笑謂人曰鬼物乃相戲乎吾父老矣方致仕豈復有作狀元之理確以元豐二年五月自御史中丞拜叅知政事五年三月確侍殿上聽唱進士名乃劍州黃裳居首確大驚蓋父名黃裳也黃裳本泉人徙居于陳

天中記

軍校徐信妻佚其姓氏建炎三年駐蹕建康信與妻夜出市少憩  
茶肆旁一人竊睨其妻目不暫釋若向有所囑者信怪之乃捨  
去其人踵相躡及門依戀不忍去問其故拱手異謝曰心有實  
情將吐露于君君不怒乃敢言願畧移步至前坊靜處庶可傾  
竭信從之始言曰君妻非某州縣某姓氏耶信愕然曰是也其  
人掩泣曰此吾妻也吾家鄭州方娶二年而值金人之亂流離  
奔竄遂成乖張豈意今在君室信亦愴然曰信陳州人也遭亂  
失妻正與君等偶于淮南村野逢一婦人敝衣蓬首露坐地上  
自言爲潰兵所掠到此不能行吾解衣饋食留一二日乃與之  
俱初不知爲君婦今將奈何其人曰吾已別娶藉其貫以自給  
勢無由復尋舊盟倘使暫會一面敘述悲苦然後訣別雖死不  
恨信固慷慨義士即許之約明日爲期令偕新妻同至庶于鄰

里無嫌其人歡拜而去明日夫婦登信門信出迎望見長慟客  
所攜乃信妻也四人相對驚惋拊心號咷是日各復其故通家  
往來如婚姻云

夷堅志

紹興初河南地陷劉豫州郡猶爲朝廷固守會稽馮長寧知陳州  
豫攻之不下遣招山東劇賊王瓜角起宿亭之民併力進攻踰  
年城中糧盡而降瓜角建三幟于通遠令二州之民從軍者立  
赤幟欲爲官立黃幟欲還鄉立黑幟民畏死盡趨赤幟獨臺人  
王魏兩翁自顧年老不能官從軍必死立黑幟亦死不如立黑  
幟下衆愕然瓜角重失信謝遣之王翁如陳城取瘞埋物去聲  
迹亦絕魏營產十年後成大家素蓄二鷄一日尉過烹雌者食  
之他日尉還欲殺其雄雄覺竄伏黍地擲之以竿始就獲鷄忽  
作人言曰噫何毒害至此畧無故舊情耶魏駭曰爾爲誰曰我

王某也豈不記宛丘從軍時事乎魏曰爾前舍我竟何之且死于何所曰我向者結伴賈利君財私別貯蓄以待事平後來入城索得之負兩布囊是夜宿次野店燈下開囊計數不料爲主人所窺遭殺孤魂無依念鄉親不一存獨君在故決意相從及到君家適鄰人賈四娘子亦來值君家鷄乳共投胎爲鷄前日所戕即賈娘子也茲復害我一何忍心如是尉異之歸白郡守守呼魏翁與鷄俱至民從如市鷄對守言如初已而曰我禽畜泄陰事當死引頸插翅下而斃守大嗟異使葬於老子廟後題曰人鷄之墓

劉旦字德遠新城人紹興十四年鄉貢得一夢不以語人至三十年登科踰二紀始改京官才至奉議郎不考課或勸之曰若執志如此安得延賞及後人乎于是勉自陳遂轉承議俄遇光堯

慶壽例賜磨勛謂從此爲員外郎只旬月事殊過望慰喜未幾自通判陳州代歸卒于九江舟中方無恙時取勅告封之書其上曰侯吾瞑目後可開及歿家人啟視之蓋述昔夢言見一異人戒我曰君仕宦至承議郎即止殆是神告故向來深不願遷此秩然賦分既定非人力所能轉移子孫宜用爲鑒

張成憲不詳何許人監陳州糧料院時宛上尉謁告暫攝其事捕獲強盜兩種合有五人送於縣具獄未上尉即出參告白郡求合兩盜爲一冀人數隔品可優得京官郡守與尉善諾之以諭成憲對曰尉欲賞無不可若令竄公牘合二者爲一付有司鍛鍊遷就則成憲不敢爲郡守不能奪尉殊忿恨後十二年爲江淮發運司從事設黥茅山夜宿玉宸觀夢其叔告陳州事可保無虞但不可轉正郎已而殿上王者問曰此中文籍甚明無用



證既出見二直符使各抱一錦綳與之曰以此相報張素無子

是歲生男女各一又七年轉大夫官得直秘閣而終老焉

冊府元龜

李君武宗易子也少才勇以武舉中第嘗押兵之夔州行峽路暮投一山驛驛吏曰從前此驛不宿客相傳中有怪物君武不顧遂宿堂中夜半忽有物自天窻下類大鳥左右搏擊君武捫所弄鐵鞭揮擊中之遂墜地乃取盆覆之天明發視乃大水鳥如

雛鶴有四目因斃之自後驛無怪

明道雜誌

陳州以六月不雨徧禱莫應父老詣郡守言非路通判不能致雨守素目路爲妄人殊不信勉從之路乃命施青布齋幕中置巨盆汲水半之焚香步印叱咤良久語守曰已請到龍矣守同僚佐往視盆中隱隱見一物如羊豕而小蟠伏不動腥氣遠聞凜然有寒色始加禱焉嚴奉三日又語守曰今日龍行雨勢必小

異幸勿驚懼曰亭午白氣如紛絲自盆中出於幕外俄頃陰晦  
飛電震霆穿揭屋脊大雨追暮甘霖盈尺許邈近霑足遂成豐

年夷堅志

張子和見鐵釜下有一泡鑿破之出紅蟲疾走如飛其喙甚硬蓋

金鐵亦生蟲也

草木子

和在陳負醫名有老狐變人形來診脉

和曰此獸脉也狐跪告曰我狐精也因病來就君醫耳投劑輒

愈狐酬以金帛曰此盜得之物不受狐自稱無報告以陳將陷

宜遷江西以避之和如其言得免于難

儒門事親

孔大婦善知未來事每昏夜常于鼓腔中與人語時晏元獻守陳

制小詞一闕脩改未定而大婦已能歌之稱女妖云

蔡仙姑能化丈六金身男女聚觀填閭里元豐中王公貴人無不

尊奉珍寶山積門外常設兩瓶淨水觀者令先洗凡眼然後得

人有廖尉者心疑之率其部曲入觀約洗一目以洗目觀之實  
蓮座上金佛巍然以不洗目觀之竹籃中一老嫗叱左右縛之

姦獎盡敗得賍私鉅萬

日記故事

陳籌諸生工染翰除日書城隍神牌爲其戚王鳳鳴持去越歲巨  
焚之矣一日籌忽仆地息未絕家衆環視三日而甦言有青衣  
引見神偉貌危坐殿上青衣命見如常儀神曰見爾書神牌甚  
構某司缺判官命爾掌之籌以母老無子哀懇不聽適後宮神  
妃過籌跪泣請轉祈許之曰爾陽算已盡因爾孝代奏上帝增  
爾壽一紀子女各一人以某年月日來服官使送歸後其母喪  
葬舉舉男女各一人至日治具別戚友衣冠而卒

夾允不詳何地人性敏而貧仕陳州司獄有富商得死罪繫獄聽  
決其僕謀於允曰主有餘財若相活可盡酬允許之得財鉅萬

乃假成文卷爲輕罪給曰發落及夜較獄曰商得死罪勿使食足錄囚必責乃減食加刑數日而死召其僕曰文卷已成印判發落暴死僕曰非不盡心無命也乞尸以歸允謂名利俱得遂免官歸無子乃娶一妾生子年九歲歷覽諸書十六舉狀元授台州路學錄衣馬酒色恣其欲家財殆盡十七病死于家父母哭之垂死踰月而葬父母固欲開棺視之鄰里以爲尸腐抱扶開棺遠視尸變爲四五十歲有髯者乃富商貌也允止哭曰天示人我敢隱具述前事乃傳播廣聞焉

性源珠璣

蔡乙家素貧受雇于獄級陳三之門遂習其業稟性寬忍久爲惡徒所推凡囚人雖罪微亦遭毒虐容貌可憎陳人目爲取命鬼年四十餘守囚于獄夜過半衆聞若有呼蔡乙者起視已倒挂于壁間儔侶快之佯睡不問明旦見體殘流血始掖以歸是夜

復然呻晷悲哀如受鞭笞或潤步躄挂全類縶縛祈死不能痛  
苦經歲臨終作牛鳴嘔血數斗大叫而絕

焦務本名田足穀而好放取利蒞多漁奪人子女或遭苦脇至死  
皆怨之刻骨乾道初率僕隸貨金帛于潁昌道由萬壽日將暮  
止新旅舍問其人曰我屢過未有此店今是誰產曰潁昌趙叅  
政所建方月餘耳主人置酒饌爲禮勤篤秉燭後出男女婢僕  
數人皆相識俄合詞譟罵曰汝尋常在鄉里賒貸以米粟麻麥  
重糶價錢用勢凌逼使我輩擠陷死地冤痛莫伸投詞冥司聚  
此伺汝緣汝壽限尚有一年今日聊紓憤懷于是羣行毆擊手  
足傷折諸僕亦遭捶楚所載之物蕩無孑遺向之屋室不見但  
墟巨草莽而已呻吟徹曉路人爲雇牛車載歸明年果死

志

以上  
夷堅

劉漢爲諸生時宅後雇役築垣刷地得金一鏹字曰岳州通判役  
與鄰人匿分之無何皆病疫盡以其金易米于瑛景泰丙子瑛  
舉于鄉仕爲岳州府通判

張乞兒譙陵人也雍正二年至周家口跛一足身無完衣乞於市  
與則受不與亦弗強無乞憐憫人以義乞呼之居常落落不與  
羣丐伍夜則棲遲市西義塚之隙掘地深尺許坐卧其中風雨  
寒暑不暫移或日一行乞或數日不出亦不饑一日大雪深數  
尺咸曰義乞死矣好事者掘雪視之方鼾睡由是遠近驚異之  
爭進食不遍受各食少許謝去有贈棚與衣者曰吾以天地爲  
室何以棚爲野處而衣新衣適爲強暴資辭不受處義塚十三  
年莫知所之

姜疇善禱雨嘉靖中歲大旱郡守使召疇詞甚倨疇書一字于來

使掌中囑令還報時始開比行途中有雲一片隨其身大雨淋漓至見郡守晴日當空方訝其衣之濕也一起手霹靂從廳事中起陰雲密布大雨霑足因請見叩其術所從得疇言妻某幼婢張真人府習之疇以軍費赴江西因娶歸得傳其術云周王聞而召之求請闕聖至講左氏春秋甚詳又求遣真龍觀之龍降當以黑犬皮厭之王戲用黑羊皮龍怒立殺疇汪揮使延齡後談其事 以上舊志

百夢山人初不知其姓氏年踰壯青眸紫鬚貂帽狐裘騎青驃攜一僕跨白馬皆稜骨高竦迤可追風劍佩隨身望之悚然偶過諸生王庚處曰得君詩特造訪脫畧忘形一晤若夙好言多元機及細叩之始知其腹笥便便尤精韜畧好詩歌一日酒酣談劍術甚悉請舞之不可吸請乃拔劍起舞揮洒如意若蒼鷹奮

擊颯颯有聲少頃舞益急閃爍明滅不可端倪恍惚間石夢已失所任但見鋒芒奪目嗷呼之不應復大呼曰觀止矣請罷舞忽寒光墜下鏗爾擲地石夢飄然前呵呵鼓掌曰此公孫大娘法博一笑耳翌早出金百兩許題曰此物頗佳俾人意快但世罕善用難無咎君達者必克御焉手奉庾曰助君高吟幸勿哂庾驚辭不許乃力却之石夢嘆曰君非常人奈塵緣未了文章惜命殊可惜也今固辭余亦從此去矣勉留之不可得乃作歌曰風蕭蕭兮催別離握君手兮解君頤塞黑林青兮後會有期頃將就道又歌曰悲歡離合是耶非若到歸時總得歸萬里雲山從此去青驄迤迤追雁南飛歌畢挺身起曰予黃氏名鶴化字清霞瑯琊人石夢號也遂騰騎去

節王庚石  
夢山人記



陳州府職官備考

郡志缺修幾二百載續志未成府治又裁所有職官後將何徵  
茲因重修淮志特另册登錄列表詳紀庶某官某職按籍可尋  
未始非資考之一助也惟其籍貫履歷或世遠難詳或缺裁莫  
稽失者闕之著其知者如左

知

府通

判經

歷教

搜訓

導

清

乾隆高士鑽

十九年任

孫

栝

任

三十九年

陶萬選

任

五十九年

嘉慶 呂宜泰 十五年任

李振翁 二十年任

任

王鍾吉 山東諸城

進士翰林院編修二十四年署任

道光 張允垂 元年補任

瞿昂 宛平進士

翰林院編修二年補任

殷秉鏞 八年任

尙政麟 鑲藍旗漢

王建寅 大興監生

劉侃 江蘇武進監生二年任

楊得琳 甘肅永昌

吏員十七年署任

謝德寶 浙江會稽監生三年署任

韓樹椿 商邱進士

元年任

丁錦堂 七年署任

岳毓文 洛陽西

舉人八年任

張紹衣 睢州

廩貢十八年任

和光州

舉人十八年任

軍原生十  
二年補任

劉蔭棠 貴州清平

進士翰林  
院庶吉士  
十四年

署任

秦伯度 廣西桂林

進士十六  
年署任

王掌綵 天津舉人

十七  
年任

鄒鳴鶴 江蘇無錫

進士十九  
年署任

馮光奎 順天宛平

二十年  
署任

十二年  
補任

謝慶元 浙江上虞

二十一年  
任

吳承芳 湖北江夏

詳淮陽縣  
志二十七

李硯田 天津二十

年署

田本煦 泌陽拔貢

十三  
年任

高觀培 封邱廩貢

十九  
年任

申憲章 河內舉人

二十年  
任

李承璧 彰德林縣舉人

十五年  
任

張丹成 陳留舉人

十五年  
任

永銘 長白舉人

年代任

詳淮陽縣志二十三

耿潛修 江蘇華亭

年署

州吏目二十年署

麋宣哲 四川秀山

監生二十年署

章光熊 大興監生

于尚齡 江蘇金壇

進士二十年補任

三十年任

咸豐 朱師濂 浙江海甯

監生元年選任

劉嘉麟 大興監生

元年任

王憲 甘肅隴西

拔貢四年署任

王廣恕 山東濟甯

監生四年任

趙維城 彰德林縣

舉人二十年署任

黃映裳 安陽

孝廉方正七年任

吳蔭棠 商城

二十九年任

錢侍宸 祥符舉人

元年任

王廷魁 偃師

附貢二年任

安奎

正黃旗筆

李應爵

陝西洛川人

帖式五年署任

附生五年任

監生五年署任

五年任

鄭廷錦

山西夏縣人

顏懷忠

大興人

舉人六年任

六年任

供事六年任

任

劉拱宸

江西新昌人

張金管

直隸磁州人

進士十年任

援貢六年任

監生十年任

王廣恕

江蘇清河人

王可思

江蘇清河人

嚴圻

浙江仁和人

張連魁

直隸清豐人

進士八年署任

任

吳錫吉

國子監典籍九年任

任

同治  
袁繩武  
直隸  
安肅

廩貢五  
年任

王紹鈞  
浙江  
武康

監生三  
年署任

貢生十  
年任

厲文煒  
浙江  
蕭山

監生八  
年署任

趙東隣  
直隸  
易州

副榜內閣  
申書八年

蔣珣  
廣西  
全州

監生九  
年補任

署任

高偓  
湖南  
桃源

舉人十  
年代任

蔣珣  
年回

任

厲文煒  
年署

楊鳳鳴  
確山  
舉人

元年  
任

宋從龍  
浙江  
龍川

廩貢生  
元年任

王元燦  
元年  
任

張凌霄  
虛氏

增貢元  
年署任

郭宗泰  
失考

任

李在鎬直隸  
年補任

拔貢十三

光緒  
閔慶華山東  
年補任

附生五

吳重熹山東  
年舉人六

年補任

方蔭棠安徽  
年補任

署任十五年

善承讓紅  
年補任

生十五

方觀國安徽  
年補任

汪坦江蘇  
年附生四

年署任

陶學海江西  
年監生五

年補任

許葆運大興  
年監生

補任十年

常恩內務  
年補任

白旗附生

汪坦二十年

趙振興山西  
年監生二

年署任

汪鼎臣江蘇  
年監生二

年補任

俞士培宛平  
年監生

署任五年

汪根厚安徽  
年補任

年補任

汪根厚

方連翼羅山  
年進士

任二年

蘇佩武  
年原貢二

黎乃虔舉人

許芝田

年補任

段文元汲縣  
年進士

許芝田

段文元

蘇佩武  
年原貢二

任二年

黎乃虔

許芝田

年補任

段文元

許芝田

段文元

段文元

監生十年任

調任

監生十年任

三十三年  
缺裁

陳桂芬

山西繁峙

陳壽樟

湖北江夏

白錫庚

直隸交河

進士二十年署任

監生二十年任

二十一年補任

陳履亨

山西汾縣

洪華祝

浙江昌化

劉葵青

進士

進士翰林院庶吉士

監生二十年任

二十八年任

二十八年署任

韓炳

浙江平湖

張前勳

舉人

端謹

鑲黃旗副都統

監生二十年任

三十一年任

貢三十一年署任

張鳳書

三十一年任

潤芳

鑲白旗進士

三十一年任

三十一年署任

鄒道沂

山東聊城

舉人內閣中書

三十一年任



二年署任

劉夏壽 廬江安徽

附貢二十八年選任

三十年調任

河南府三

回任

十三年

陶福同 江西新建

進士三十

四年補任

宣統 朱騫瀛 順天大興

舉人二年署任

年署任

萬本端 江西德化

進士翰林

院編修三

年署任

劉鴻燾 江蘇武進

監生三十

四年補任

黃鏡沂 江蘇太倉

州附生

三年任

宋傳楨 息縣

署任

元

趙文選 杞縣

元

年任

民國  
畢太昌  
羅山進士  
劉啟泰  
光緒  
舉人

翰林院庶  
吉士元年  
委任

委任二年

裁府治改

爲淮陽縣

六月交卸

三年四月裁缺

四月裁缺

四月裁缺

名宦傳一

劉琪宸字星平號伯垣江西臨昌人道光甲辰進士爲諸生誠志不在溫飽詩有句云績著桑麻未文誇菽粟曾學使許文恪器之日異日循良著績可規范員矣登拔萃科授吉安訓導首請文信國從祀建五賢祠祀顏魯公諸賢爲明儒蕭君德羅文莊置墓祠創陽明書院纂修府志劉殿撰詹崖贈詩云官小政能知大體職勤心每在前賢庚戌令西華堂懸鑼愛民詞無留牘檢案匹馬減從徵收嚴剔役蠹遇重案身微行務得情父憂卸任主講衍疇書院捐金置田十畝資購書服閱委查陳屬徵存丁銀所至餽遺不通咸豐十年署陳篆時捻匪擾境辦團餉繕城池籌勦防厯冒危險動中機宜賊屢盤攻身督守禦全危城者三次軍帥勝設卡周鎮以委員苛派兵民交閱戕兵勇二十

餘名勝聞變盛怒屬兵欲徙鎮拱宸力爲昭雪又回民與土著積釁屢發重案朝廷疑其勾通陝甘回匪派委查辦拱宸知其無他切結密保事獲寢借鎮軍張部卽袁剿尙店巨匪知勇兼施處險如夷攻圍凡四十餘日卒窮大憝匪靖後撫循沈項災黎及商水之扶蘇塞實心實政惻惻動人守陳七載於軍務倥偬中尤能興學校厲士風勸農桑治績卓著竟以丁耗未完部文降調民贖金爭赴省籲留峻却不遺旋有旨開復李中丞論其賢補南陽府赴任道葉裕日饑氓就途中借貸振之時苦旱旅宿致禱比接篆大雨如注宛民呼爲隨車雨郡中愚民多惑邪說卽孝經數千部頒給城鄉傳誦以挽回之其殲巨寇拯災氓崇賢祠擬文教杜干謁一如陳時越南貢使歸自京道出南陽耳其名特爲請并贈國珍拱宸以孝經謝康樂詩集手草圖

扇報之李揆相剿辦陝甘回匪過宛迎謁劇談極蒙青目服官  
二十餘載耑務以德化民臨財廉自奉儉冬裘夏葛常露補綴  
痕妻不輟紡績子戒惜綢絹迄卒上下士夫皆爲悼痛受治之  
民如喪慈父母焉入名宦祠